

IN LIBRUM SECUNDUM

EPI TOMA.

P*Etrus Rubrius Parmensis sociorum populorum Imperator declaratus, Scalanum equitatum ad Lucam in Hetruria fudit: Scalani Opitergium paulo ante amissum recipere: Rubrius, publicis signis a Principe & Patribus acceptis, ad Metam oppidum primo castra fecit: Mercenaria Venetorum cohors ad Mestram proditione cæsa est: Rubrius, copiis Brenta fluvio trajectis, hostium castris potitus est: Veneta signa citro ultroque Patavino agro gestata: & circa Veronam nonnihil eodem tempore bellatum: Conglanenses in Venetorum fidem concessere: Patavii tumultuatum est: Multorum Principum legati de pace acturi uno tempore Venetias venire: Patavini, Scalanis ejectis, libertatem receperunt: Urbis administratio Carrariis permissa est: Petrus & Marsilius Rubrii paucis diebus vita decessere: Circa Vincentiam & in Veronensi agro pluribus locis in hostes prospere est pugnatum: Galeacius Vicecomes Bergomum & Brixiam Scalanis ademit Quibus Taurisio pluribusque locis ablatis, pax tandem reddita est: Urbs ad hæc ingenti cataclysmo Divi Marci præsidio est servata.*